

**CONVENIO DE COLABORACIÓN ENTRE O CONSELLO GALEGO DE RELACIÓNS LABORAIS E A UNIVERSIDADE DA CORUÑA PARA A REALIZACIÓN DA I EDICIÓN DO “CURSO DE ESPECIALIZACIÓN EN DEREITO MARÍTIMO-PESQUEIRO DO TRABALLO E DA SEGURIDADE SOCIAL”**

A Coruña, 25 de febreiro de 2022


**REUNIDOS**

Dunha banda, dona Cristina Fabeiro Varela, con DNI 32838635V, secretaria do Consello Galego de Relacións Laborais, nomeada por Orde da Consellería de Emprego e Igualdade do 7 de maio de 2021, publicada no DOG nº 92, do 19.05.2021, que actúa en funcións de presidenta en virtude do disposto no artigo 10.3.h) da Lei 5/2008, do 23 de maio, reguladora do Consello Galego de Relacións Laborais (DOG nº 112 do 11 de xuño de 2008).

E doutra banda, don Julio Abalde Alonso, Sr. Reitor da Universidade da Coruña (UDC) nomeado segundo Decreto 5/2020, do 9 de xaneiro de 2020 (DOG núm. 7 , do 13 de xaneiro de 2020), actuando en nome e representación desta, en virtude das facultades que lle confiren os Estatutos da Universidade da Coruña aprobados polo Decreto 101/2004, do 13 de maio (DOG núm. 100 do 26 de maio de 2004), modificados polo Decreto 194/2007, do 11 de outubro de 2007 (DOG núm. 201 do 17 de outubro de 2007).

Ambas partes actúan no exercicio dos seus respectivos cargos e recoñécense reciprocamente capacidade xurídica de contratar e de obrigarse nos termos do presente convenio.

**EXPOÑEN**




**Primeiro.-** Que consideran necesario colaborar na realización dun curso de especialización en Dereito marítimo pesqueiro do Traballo e Seguridade Social, por entenderen as dúas institucións que a importancia das actividades marítimo-pesqueiras non acaba de ter a súa correspondente entidade no ámbito das titulacións universitarias galegas relacionadas coa docencia e coa investigación do Dereito do Traballo e da Seguridade Social.

**Segundo.-** Que o Consello Galego de Relacións Laborais acordou en xuntanza da Comisión Permanente do 8 de setembro de 2021, a realización na Coruña da I edición do Curso especialización en Dereito marítimo pesqueiro do Traballo e Seguridade Social, co propósito de encher ese baleiro de formación e tamén para ofrecer formación que axude a mellorar as condicións de traballo e de vida das persoas que realizan (por conta allea e por conta propia) actividades marítimo-pesqueiras.

**Terceiro.-** Que de conformidade co establecido nos artigos 19.4.a) e 26 da Lei 9/2007, do 13 de xuño, de subvencións de Galicia e no artigo 37 do Decreto 11/2009, do 8 de xaneiro, polo que se aproba o seu Regulamento, que establecen a concesión directa das subvencións previstas de forma nominativa nos Orzamentos xerais da Comunidade Autónoma, resólvese, a concesión directa á Universidade da Coruña da subvención regulada neste convenio, nos termos recollidos neste e na normativa reguladora destas subvencións.

**Cuarto.-** Que a Universidade da Coruña se atopa ao corrente no cumprimento das súas obrigas tributarias e fronte á Seguridade Social e que non ten pendente de pagamento ningunha outra débeda coa Administración Pública da Comunidade Autónoma, que non obtivo outras subvencións, axudas, ingresos ou recursos que financien este curso e que non incorre en ningunha das circunstancias contempladas no artigo 10 da Lei 9/2007, do 13 de xuño, de subvencións de Galicia, para poder obter a condición de beneficiaria de axudas ou subvencións.




**Quinto.-** Que ao existir unha plena coincidencia entre as partes asinantes nos obxectivos perseguidos, así como a vontade de unir esforzos e colaborar nos seus respectivos ámbitos de actuación, acordan asinar este convenio, e facelo con base nas seguintes

## CLÁUSULAS

**Primeira.-** O obxecto deste convenio é establecer as condicións polas que se rexerá a colaboración entre o Consello Galego de Relacións Laborais e a Universidade da Coruña para a realización da I edición do *Curso de especialización en Dereito marítimo pesqueiro do Traballo e Seguridade Social*, que se desenvolverá do 23 de marzo de 2022 ao 11 de maio do ano 2022 na Facultade de Dereito da Universidade da Coruña.

**Segunda.-** O obxectivo que se pretende co desenvolvemento do curso de formación, é o seguinte: O curso busca paliar o déficit de tratamento académico que se rexistra tanto no Sistema Universitario Galego como fóra del, con todo o que isto supón na formación de profesionais que se queiran dedicar ao asesoramento xurídico-laboral nun sector tan específico e distinto como é o das actividades marítimo-pesqueiras.

**Terceira.-** O curso diríxese ao alumnado do Sistema Universitario Galego (sen prexuízo da presenza de alumnado procedente doutras universidades), así como a persoas profesionais que están relacionadas, directa ou indirectamente, con este traballo tan singular e precisan coñecer (ou seguir coñecendo con máis detalle) o Dereito do Traballo e da Seguridade Social aquí aplicable.



Os temas que se impartirán durante a realización do curso son os que se relacionan no programa que se achega como **Anexo I** a este convenio.

Para un óptimo aproveitamento do curso establécese un límite máximo de 40 participantes que realizarán o curso en modalidade presencial, seleccionados pola dirección do curso e dos que ao menos vinte serán propostos polo Consello Galego de Relacións Laborais. O dito número podería incrementarse para o caso de que non se chegasen a cumprimentar as corenta prazas ofertadas. Ofertaranse outras 10 prazas máis dirixidas a persoas que realizarán o curso en liña e, para tales efectos, a Universidade da Coruña habilitará as medidas necesarias para a impartición en liña no caso destas 10 prazas.

Deste xeito, o número total de participantes nesta I edición ascende a un total de 50 persoas.


O Consello Galego de Relacións Laborais financiará con 30€ a matrícula de cada un dos 20 participantes propostos. A cantidade total (600,00€) abonaráselle á Universidade da Coruña unha vez rematado o prazo de matrícula, mediante transferencia desde a aplicación orzamentaria 11.B1.324A.444.10. O dito importe será computado á marxe da subvención regulada neste convenio para o funcionamento do curso. Este importe non cobre os prezos públicos por expedición de títulos, que será abonado por cada estudante matriculado.

Outorgaráselles un título acreditativo ás persoas participantes no curso que o superen e demostren unha asistencia superior ao 80% das unidades docentes impartidas, conforme ás normas establecidas a tal efecto pola Universidade da Coruña, comprometéndose esta institución á tramitación do recoñecemento académico deste curso e das súas sucesivas edicións.

**Cuarta.-** Encoméndase a dirección do curso a don Xosé Manuel Carril Vázquez, profesor titular de Dereito do Traballo e da Seguridade Social na Facultade de Dereito da UDC e a súa secretaría a don Iván Vizcaíno Ramos, profesor axudante doutor de Dereito do Traballo e da Seguridade Social na Facultade de Ciencias do Traballo tamén da UDC.

**Quinta.-** Se as autoridades sanitarias competentes deciden, sempre por posibles eventualidades do COVID-19, que non é aconsellable a docencia presencial establecida no curso, a UDC e o Consello Galego de Relacións Laborais acordarán o seguinte:

1. No caso de que o curso non teña comezado, adiarase o seu comezo ata o momento en que se poida garantir a súa presencialidade ou, de ser o caso, este convenio quedará sen efecto e suspenderase a realización do curso ata o segundo semestre do ano 2022.
2. No caso de que o curso teña comezado, continuará a docencia de forma non presencial, habilitándose os medios para garantir que se imparta en liña a docencia presencial suspendida que quedase pendente de dar.



**Sexta.-** O Consello Galego de Relacións Laborais contribuirá ao financiamento deste *Curso de especialización en Dereito marítimo pesqueiro do Traballo e Seguridade Social* mediante a achega de TRECE MIL CATROCENTOS EUROS (13.400,00€), con cargo ao capítulo IV do seu orzamento, aplicación orzamentaria 11.B1.324A.444.10, denominada “Á Universidade da Coruña”, na que está previsto crédito necesario e suficiente, segundo certificación expedida pola secretaria xeral do organismo, que se xunta a este convenio como Anexo II.

A antedita contribución poderase librar do seguinte xeito:

Mediante pagamentos a conta, por contía equivalente á xustificación presentada, que responderán ao ritmo de execución das accións subvencionadas, ata o 80% do financiamento aportado polo Consello Galego de Relacións Laborais. A xustificación destes pagamentos farase mediante certificación detallada acreditativa dos gastos realizados, expedida polo órgano da universidade que teña atribuídas as facultades de control da toma de razón en contabilidade e do cumprimento da finalidade para a que foi concedida a subvención.

O importe restante librarase unha vez cumprido o establecido na cláusula sétima.

**Sétima.-** A Universidade da Coruña, unha vez rematadas as actividades derivadas do curso obxecto do convenio, e como data límite o 15 de xullo de 2022, xustificará a totalidade da contribución efectuada polo Consello Galego de Relacións Laborais, mediante certificación detallada e relación de facturas acreditativas dos gastos realizados e efectivamente pagados con anterioridade á finalización do período de xustificación establecido, de conformidade co disposto no artigo 29.2 da Lei 9/2007, do 13 de xuño, de subvencións de Galicia. A antedita certificación será expedida polo órgano da universidade que teña atribuídas as facultades de control da toma de razón en contabilidade e do cumprimento da finalidade para a que foi concedida a subvención.

Coa contribución efectuada polo Consello Galego de Relacións Laborais poderanse financiar os conceptos de gasto seguintes:

Organización, coordinación e dirección do curso.

Honorarios de profesorado e relatores.

Gastos de desprazamento dos relatores e relatoras e do seu aloxamento, de ser o caso.

Gastos de material de imprenta, do aluguer de medios audiovisuais, da inauguración e clausura e demais necesarios para o bo funcionamento do curso.

No suposto de que os gastos que se xustifiquen fosen inferiores ao financiamento acordado, deducirase do pagamento final a parte non xustificada.


A Universidade da Coruña presentará, no momento da finalización do período de xustificación, unha declaración complementaria á que se contén no expoñendo cuarto deste convenio, do conxunto das axudas solicitadas, tanto as aprobadas ou concedidas como as pendentes de resolución para a mesma finalidade das distintas administracións públicas ou entes públicos ou privados, nacionais, Internacionais, así como unha memoria descritiva do contido das accións desenvolvidas e dos resultados acadados, na que conste, entre outras, a relación e características dos participantes, e a súa valoración sobre o curso.

O Consello Galego de Relacións Laborais resérvase o dereito de solicitar toda a documentación que se considere precisa en relación coa xustificación do gasto e, en concreto, a que acredite o pagamento das facturas relacionadas xunto á certificación.

**Oitava.-** A Universidade da Coruña comprométese a facilitar toda a información que lle sexa requirida pola Intervención Xeral da Comunidade Autónoma, o Consello de Contas e o Tribunal de Contas, no exercicio das súas funcións de fiscalización e control do destino da axuda concedida.

**Novena.-** A realización do curso implicará que a Universidade da Coruña asuma as obrigas enumeradas no artigo 11 da Lei 9/2007, do 13 de xuño, de subvencións de Galicia.

**Décima.-** A Universidade da Coruña, de conformidade co establecido na disposición adicional única do Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia para o ano 2006, presta o seu consentimento expreso para incluír e facer públicos os datos relevantes do convenio no Rexistro de Axudas, Subvencións e Convenios que se regulan en dito decreto.



**Undécima.-** Toda alteración das condicións tidas en conta para a concesión da axuda, e, en todo caso, a obtención concorrente doutras achegas, poderá dar lugar á súa modificación e ao reintegro das cantidades percibidas.

Procederá o reintegro total ou parcial das cantidades percibidas e a esixencia do xuro de mora, no suposto de falta de xustificación ou de concorrencia dalgunha das causas previstas no artigo 33 da Lei 9/2007, do 13 de xuño, de subvencións de Galicia.

**Duodécima.-** A subscrición deste convenio non supón relación laboral contractual ou de calquera outro tipo entre os profesionais que vaian desenvolver as actividades e o Consello Galego de Relacións Laborais, de tal xeito que non se lle pode esixir responsabilidade ningunha, directa nin subsidiaria, polos actos ou feitos acontecidos no seu desenvolvemento.

**Décima terceira.-** Este convenio de colaboración terá natureza administrativa, rexéndose polo establecido nas súas cláusulas; polos preceptos da Lei 38/2003, do 17 de novembro, xeral de subvencións; do Real decreto 887/2006, do 21 de xullo, polo que se aproba o regulamento da dita lei; da Lei 9/2007, do 13 de xuño, de subvencións de Galicia e do Decreto 11/2009, do 8 de xaneiro, polo que se aproba o regulamento da dita lei; da Lei 1/2016, de 18 de xaneiro de transparencia e bo goberno e polo establecido no capítulo VI da Lei 40/2015, do 1 de outubro, de réxime xurídico do sector público.

Para o seguimento da súa execución e o coñecemento de calquera discrepancia que poida xurdir sobre a súa interpretación, crearase unha Comisión Mixta, integrada por unha representación designada por cada unha das partes asinantes do convenio. No caso de que a discrepancia verse sobre cuestións que se refiran exclusivamente á subvención, se persistira, será resolta pola presidencia do Consello Galego de Relacións Laborais e a súa resolución, que porá fin á vía administrativa, poderá ser obxecto de recurso ante a xurisdición contencioso-administrativa.

**Décima cuarta.-** As partes manifestan que coñecen e compren a lexislación europea en materia de Protección de Datos de Carácter Persoal, á que se someten de forma expresa,

comprometéndose a dar un uso debido aos datos de tal natureza que obteñan como consecuencia do desenvolvemento do presente convenio, no marco do disposto polo Regulamento (UE) 2016/679 do Parlamento Europeo e do Consello, de 27 de abril de 2016 e conforme ao establecido na Lei orgánica 3/2018, do 5 de decembro, *de Protección de Datos Personales y garantía de los derechos digitales*.

As partes comprométese a tratar os datos de carácter persoal coa finalidade exclusiva de realizar o servizo.

As partes comprométese a que os datos de carácter persoal non serán obxecto de ningún tratamento distinto aos previstos neste convenio.


As partes comprométese a que os datos de carácter persoal non se cederán a terceiros, salvo nos casos en que exista unha obrigaón legal.

As persoas interesadas poderán exercer, no seu caso, os dereitos de acceso, rectificación, cancelación, oposición, limitación e portabilidade nos termos legais previstos, mediante a comunicación ao domicilio social da respectiva entidade.

A entidade colaboradora adoptará as medidas adecuadas para limitar o acceso dos seus empregados aos datos persoais durante a vixencia deste convenio.

As partes autorizan a que os seus datos persoais consten no convenio, e mailo resto das especificacións nel contidas e a que podan ser publicados no Portal da Transparencia e Goberno Aberto da Comunidade Autónoma de Galicia.

Os datos de carácter persoal deberán ser destruídos ou devoltos, a criterio da Universidade da Coruña, unha vez finalizada a vixencia do convenio e no momento en que, en cumprimento das condicións pactadas ou legalmente previstas, remate a relación entre ambas partes; sen prexuízo das excepcións que a normativa e/ou as decisións xudiciais puidesen establecer con respecto ao mantemento temporal mínimo de certos datos que pola súa natureza así se requira.



O mesmo destino haberá de darse a calquera soporte ou documento no que conste algún dato de carácter persoal obxecto de tratamento.

**Décima quinta.-** O Consello Galego de Relacións Laborais poderá realizar actuacións de comprobación, en calquera momento, sobre a execución material das accións obxecto do convenio.

**Décima sexta.-** O incumprimento de calquera das cláusulas que regulan este convenio constituirá causa suficiente para a súa resolución.

**Décima sétima.-** Este convenio entrará en vigor o día da súa sinatura, sen prexuízo de que serán obxecto de subvención as actividades que se desenvolverán desde o 23 de marzo de 2022, de conformidade co establecido no artigo 2.1.b) da Lei 9/2007, do 13 de xuño, de subvencións de Galicia, e estenderá a súa vixencia ata o 29 de xullo de 2022.

Lido por ambas as dúas partes, por si mesmas, e como proba de conformidade co expresado no convenio, asínano e rubricano por duplicado, no mesmo lugar e data que se indica ao comezo.

A secretaria do Consello Galego  
de Relacións Laborais,



Cristina Fabeiro Varela

O reitor da Universidade  
da Coruña,



Julio Abalde Alonso

**ANEXO I**

**PROGRAMA**

**I. O MARCO ECONÓMICO-XURÍDICO DO SECTOR MARÍTIMO-PESQUEIRO**

**23 de marzo de 2022**

**16:30**

1. As actividades marítimo-pesqueiras na economía mundial.  
*Fernando I. González Laxe.*  
*Catedrático de Economía Aplicada UDC*

**17:30**

2. O mar na Galiza: algo máis que un sector industrial.  
*María do Carme García Negro.*  
*Profesora A.H. de Economía Aplicada USC*

**18:30-19:00** Descanso

**19:00**

3. A ordenación internacional do espazo marítimo-pesqueiro e dos seus recursos  
*José Manuel Sobrino Heredia*  
*Catedrático de Dereito Internacional Público e Relacións Internacionais UDC*

**20:00**

4. A construción xurídica dun espazo marítimo común europeo.  
*Gabriela A. Oanta Oanta.*  
*Profesora Titular de Dereito Internacional Público e Relacións Internacionais UDC*

**24 de marzo de 2022**

**16:30**

5. A determinación do ordenamento xurídico aplicábel ao buque.  
*Laura Carballo Piñeiro*  
*Catedrática de Dereito Internacional Privado UVIGO*


**17:30**

6. As actividades marítimo-pesqueiras na Lei de Navegación Marítima  
*María José Rodríguez Docampo*  
*Profesora Titular de Derecho Mercantil UDC*

**18:30-19:00** Descanso

**19:00**

7. As actividades marítimo-pesqueiras desde o punto de vista do Dereito do Traballo e da Seguridade Social.  
*Xosé Manuel Carril Vázquez*  
*Profesor Titular de Dereito do Traballo e da Seguridade Social UDC*



20:00

**II. O TRABALLO NO MAR**

A) *TRANSPORTE MARÍTIMO*

8. Os requisitos mínimos da xente de mar para traballar a bordo de buques de transporte.  
Rosa María de la Campa.  
*Profesora Contratada Doutora de Ciencias e Técnicas da Navegación na Escola Técnica Superior de Náutica e Máquinas UDC. Piloto de primeira da Mariña Mercante*

**30 de marzo de 2022**

16:30

9. Os servizos de intermediación laboral marítimos, con especial referencia ás *manning agencies*.  
Olga Fotinopoulou Basurko  
*Profesora Titular (acreditada para Catedrática) de Dereito do Traballo e da Seguridade Social UPV/EHU*

17:30

10. O acordo de emprego da xente do mar.  
María Isabel Ribes Moreno.  
*Profesora Contratada Doutora de Dereito do Traballo e da Seguridade Social UCA*

18:30-19:00 Descanso

19:00

11. As condicións de emprego, con especial referencia aos salarios.  
María Isabel Ribes Moreno.  
*Profesora Contratada Doutora de Dereito do Traballo e da Seguridade Social UCA*

20:00

12. A ordenación do tempo de traballo.  
María Isabel Ribes Moreno.  
*Profesora Contratada Doutora de Dereito do Traballo e da Seguridade Social UCA*

**31 de marzo de 2022**

16:30

13. A prevención de riscos laborais.  
Julio Louro Rodríguez  
*Profesor Contratado Doutor de Ciencias e Técnicas da Navegación na Escola Técnica Superior de Náutica e Máquinas UDC. Capitán da Mariña Mercante*

17:30

14. As condicións de vida a bordo (alimentación, instalacións de lecer, alimentación e servizo de fonda).  
Luz Baz Abella  
*Coordinadora da ITF (International Transport Workers' Federation) en España. Licenciada en Dereito. Piloto da Mariña Mercante.*

18:30-19:30 Descanso

**19:00**

15. A liberdade sindical e o dereito de negociación colectiva, con especial referencia ao caso de buques con bandeira de conveniencia.

Olga Fotinopoulou Basurko

*Profesora Titular (acreditada para Catedrática) de Dereito do Traballo e da Seguridade Social UPV/EHU*

**20:00**

16. A folga marítima.

Olga Fotinopoulou Basurko

*Profesora Titular (acreditada para Catedrática) de Dereito do Traballo e da Seguridade Social UPV/EHU*

**B) TRABALLO A BORDO DE BUQUES DE PESCA**

**6 de abril de 2022**

**16:30**

17. Os requisitos mínimos para traballar a bordo de buques pesqueiros.

Rosa María de la Campa

*Profesora Contratada Doutora de Ciencias e Técnicas da Navegación na Escola Técnica Superior de Náutica e Máquinas UDC. Piloto de primeira da Mariña Mercante*

**17:30**

18. Os servizos de contratación e colocación laboral pesqueiros

Iván Vizcaíno Ramos

*Profesor Axudante Doutor de Dereito do Traballo e da Seguridade Social UDC*

**18:30-19:00** Descanso

**19:00**

19. O acordo de emprego de quen traballa a bordo de buques pesqueiros

Jesús Martínez Girón e Alberto Arufe Varela

*Catedráticos de Dereito do Traballo e da Seguridade Social UDC*

**20:00**

20. A remuneración, con especial referencia ao salario baseado no reparto das capturas ("á parte")

Jaime Cabeza Pereiro.

*Catedrático de Dereito do Traballo e da Seguridade Social UVIGO*


**7 de abril de 2022**

**16:30**

21. A ordenación do tempo de traballo.

Francisco Fernández Prol.

*Profesora Titular de Dereito do Traballo e da Seguridade Social UVIGO*



**17:30**

22. A prevención de riscos laborais.

Julio Louro Rodríguez

*Profesor Contratado Doutor de Ciencias e Técnicas da Navegación Escola na Técnica Superior de Náutica e Máquinas UDC. Capitán da Mariña Mercante*

**18:30-19:00** Descanso

**19:00**

23. As condicións de vida a bordo (alimentación, instalacións de lecer e servizo de fonda).

Luz Baz Abella

*Coordinadora da ITF (International Transport Workers' Federation) en España. Licenciada en Dereito. Piloto da Mariña Mercante.*

**20:00**

24. A negociación colectiva no sector pesqueiro.

María de las Nieves Martínez Gayoso

*Profesora Titular de Dereito do Traballo e da Seguridade Social UPV-EHU y Responsábel territorial para a xestión do PRECO Consello de Relacións Laborais de Euskadi (Lan Harremanen Kontseilua)*

**20 de abril de 2022**

**16:30**

25. A cláusula social nos acordos de pesca sostíbeis negociados pola Unión Europea con terceiros Estados.

*Lucía Dans Álvarez de Sotomayor.*

*Profesora Contratada Doutora de Dereito do Traballo e da Seguridade Social ULL*

**17:30**

26. O impacto sobre a regulación do traballo a bordo de buques de pesca do Acordo de Comercio e Cooperación entre a Unión Europea e o Reino Unido de Gran Bretaña e Irlanda do Norte.

Xosé Manuel Carril Vázquez

*Profesor Titular de Dereito do Traballo e da Seguridade Social UDC*

**18:30-19:00** Descanso

C) *TRABALLO A BORDO DE PLATAFORMAS MARÍTIMAS (OFFSHORE)*

**19:00**

27. A deficitaria regulación legal do traballo nas plataformas *offshore*.

Xosé Manuel Carril Vázquez

*Profesor Titular de Dereito do Traballo e da Seguridade Social UDC*

**20:00**

28. Condicións de vida e de traballo nas plataformas *offshore*.

María Asunción López Arranz

*Profesora Contratada Doutora de Dereito do Traballo e da Seguridade Social UDC*

**21 de abril de 2022**

**16:30**

29. O papel máis que complementario da xurisprudencia na regulación do traballo e da protección social do traballo *offshore*.

María Asunción López Arranz

*Profesora Contratada Doutora de Dereito do Traballo e da Seguridade Social UDC*

**D) OUTRAS ACTIVIDADES MARÍTIMO-PESQUEIRAS**

**17:30**

30. A actividade do servizo de practicaxe de portos

María José Rodríguez Docampo

*Profesora Titular de Derecho Mercantil UDC*

**18:30-19:00** Descanso

**19:00**

31. Outras actividades marítimo-pesqueiras (extracción doutros produtos do mar, tráfico interior de portos, embarcacións deportivas e de lecer...)

Iván Vizcaíno Ramos

*Profesor Axudante Doutor de Dereito do Traballo e da Seguridade Social UDC*

**III. O TRABALLO PARA O MAR**

**A) ACTIVIDADES PORTUARIAS**

**20:00**

32. O porto como punto de encontro de actividades económicas moi diversas.

Jesús Casás López

*Secretario Xeral da Autoridade Portuaria da Coruña e na actualidade Director da Autoridade Portuaria de Ferrol-San Cibrao.*

**27 de abril de 2022**

**16:30**

33. O réxime xurídico do traballo da estiba portuaria.

Inmaculada Ballester Pastor.

*Catedrática de Dereito do Traballo e da Seguridade Social UJI*


**17:30**

34. A (cuestionada) negociación colectiva na estiba portuaria.

Inmaculada Ballester Pastor.

*Catedrática de Dereito do Traballo e da Seguridade Social UJI*

**18:30-19:00** Descanso



*B) ACTIVIDADES ADMINISTRATIVAS, TÉCNICAS E SUBALTERNAS*

**19:00**

35. Traballo ao servizo de empresas marítimo-pesqueiras, confrarías, cooperativas do mar, organizacións sindicais do sector marítimo-pesqueiro e asociacións de armadores.

María Asunción López Arranz

*Profesora Contratada Doutora de Dereito do Traballo e da Seguridade Social UDC*

**IV. A MULLER NO TRABALLO MARÍTIMO-PESQUEIRO**

**20:00**

36. O traballo das redeiras

Nora Martínez Yañez

*Profesora Contratada Doutorada de Dereito do Traballo e da Seguridade Social UVIGO.*

*Conselleira do Consello Consultivo de Galiza*

**28 de abril de 2022**

**16:30**

37. O traballo das mariscadoras, percebeiras e recolletores de algas.

Enma Rodríguez Rodríguez

*Profesora Titular de Dereito do Traballo e da Seguridade Social UVIGO. Vogal Asesora da Secretaría de Emprego do Ministerio de Traballo e Economía Social*

**17:30**

38. Mulleres a bordo de buques (de transporte marítimo e de pesca).

Rosa María de la Campa.

*Profesora Contratada Doutora de Ciencias e Técnicas da Navegación na Escola Técnica Superior de Náutica e Máquinas UDC. Piloto de primeira da Mariña Mercante*

**18:30-19:00** Descanso

**V. A PROTECCIÓN DE SEGURIDADE SOCIAL A TRAVÉS DUN RÉXIME ESPECIAL**

**19:00**

39. Os criterios de determinación da lexislación aplicábel en materia de seguridade social a quen traballa a bordo de buques.

Xosé Manuel Carril Vázquez

*Profesor Titular de Dereito do Traballo e da Seguridade Social UDC*

**20:00**

40. O accidente de traballo.

María Belén Fernández Docampo

*Profesora Titular de Dereito do Traballo e da Seguridade Social UVIGO*



**4 de maio de 2022**

**16:30**

41. A asistencia sanitaria a bordo.  
María Ángeles Bouza Prego  
*Doutora en Medicina e Profesora da Area de Medicina Preventiva na Escola Técnica Superior de Náutica e Máquinas UDC*

**17:30**

42. A protección en caso de enfermidade, lesión ou morte.  
Elisabet Errandonea Ulazia  
*Profesora Titular de Dereito do Traballo e da Seguridade Social UPV-EHU*

**18:30-19:00** Descanso

**19:00**

43. A xubilación.  
Marta Fernández Prieto  
*Profesora Titular de Dereito do Traballo e da Seguridade Social UVIGO*

**20:00**

44. A protección en caso de piratería e outros riscos.  
Xosé Manuel Carril Vázquez  
*Profesor Titular de Dereito do Traballo e da Seguridade Social UDC*

**5 de maio de 2022**

**16:30**

45. A repatriación.  
Francisca Bernal SantaMaría.  
*Profesora Axudante Doutora de Dereito do Traballo e da Seguridade Social UCA*

**VI. VIXILANCIA E CONTROL DAS CONDICIÓNS DE TRABALLO**

**17:30**

46. Os instrumentos de inspección e de control a bordo e en terra das condicións de vida e de traballo nos buques  
María Arantzazu Vicente Palacio  
*Catedrática de Dereito do Traballo e da Seguridade Social UJI*

**18:30-19:00** Descanso

**19:00**

47. O papel da Inspección de traballo e seguridade social  
Eva Fernández Pardo  
*Inspectora de Traballo e Seguridade Social da unidade especializada de Seguridade e Saúde Laboral (A Coruña)*

**20:00**

48. O papel da Inspección marítima  
Domingo Ignacio Pose Edrera  
*Coordinador de Seguridade e Inspección Marítima A Coruña-Ferrol*

11 de maio de 2022

**16:30**

49. A coordinación e colaboración das Administracións implicadas no caso da prevención de riscos laborais.

Julio Louro Rodríguez

*Capitán. Profesor Contratado Doutor de Ciencias e Técnicas da Navegación na Escola Técnica Superior de Náutica e Máquinas UDC*

**VII. INTERVENCIÓNS DE CLAUSURA**

**17:30**

50. O papel dos axentes sociais na mellora das condicións de traballo nas actividades marítimo-pesqueiras

**18:30-19:00** Descanso

**19:00**

O impacto dos avances tecnolóxicos aplicábeis ao buque desde unha perspectiva iuslaboralista

Patrick Chaumette

*Profesor Emérito Nantes Université*

\*\*\*\*\*

**DATAS**

Meses marzo, abril e maio de 2022.

Dous días á semana (mércores e xoves).

Horario: 16:30-21:00 (4 horas por día, de modo que serían 8 por semana).

\*\*\*\*\*

**MODALIDADE**


Docencia presencial e asistencia presencial para público (sempre matriculado) residente na Galiza. 40 prazas.

Docencia presencial e asistencia non presencial. 10 prazas.

\*\*\*\*\*

**ACTIVIDADES COMPLEMENTARIAS**

Sempre coa finalidade de achegarse ao mundo das actividades marítimo-pesqueiras, haberá actividades (de participación voluntaria) complementarias de diversa natureza (visita ao porto da Coruña, visita ao Museo de Construción Naval de Ferrol, travesía en barco UDC e actos culturais).



ANEXO II

**CRISTINA FABEIRO VARELA** secretaria do Consello Galego de Relacións Laborais,

**CERTIFICO**

Que no orzamento do Consello Galego de Relacións Laborais para 2022 figura crédito na aplicación 11.B1.324A.444.10, que se considera axeitado e suficiente para satisfacer á Universidade da Coruña o importe dos gastos ocasionados pola realización da I edición do Curso de especialización en Dereito Marítimo-Pesqueiro do Traballo e da Seguridade Social, que terá lugar desde o 23 de marzo ao 11 de maio de 2022, nos termos establecidos no Convenio de colaboración entre o Consello Galego de Relacións Laborais e a Universidade da Coruña.

E para que conste, aos efectos oportunos, asino esta certificación en Santiago de Compostela a 3 de febreiro de 2022.

